## 宋 元 學 案

安定 與 東 選 與 長 與 再 與 長 再 門 人 王汝 周南 丁希亮 王黎祖 陳耆卿 方來 軍若水 別見市 湖學案 **以子豆** 舒掛祥 劉莊孫 深阜學業 林處恭

照陳邵孟孟滕王趙林孫 堯昂持導猷 版植 強 房 宏 英 正

所 等 等 学 手 **父孔 戴** 道元忠 属王 宋 駒 方 プルン・・・・・・ 四次

**陳亮別為龍川學案** 趙汝談別見滄洲諸堡 **买子良見下質處門** 限壇別為木鐘學案 毛當時 張垓 葉紹翁 周端朝別見嶽麓諸儒學案 **沃木 元 等 宋 卷 五** 

王将————— 九烽 項安世 陳景思並見晦翁學案 蔡仍見上水心門人 東宋元學紫卷五十四 第一三十 王汶見上水心門人

宋元學案卷五十四 餘姚黃宗義原本 鄞縣全租望補定 功利之說至水心姶一 **遂稱鼎足然水心工文故弟子多流于髀章並水心學安** 浮諸老旣歿學術之會總為朱陸二派而水心斷斷其閒 多過情其自會子子思而下皆不免不僅如象山之話伊 **胆室護案水心較止齊叉稍晚出其學始同而終異派嘉** 川也要亦有卓然不經人道者未可以方隅之見棄之乾 男百家纂輯 一大元郎を修正一川 洗之然水心天資高放言砭古人 後學慈谿馮雲遼校刊 道州何邾基重刊 郭縣王梓材重校

起為湖南韓運判官知泉州召入權兵部侍郎丁憂嚴除權一 定定內禪遷國子司業力求補外趙公貶先生亦降兩官奉嗣 召為太學正由祕書郎出知斯州入爲尚書左選郎官贊趙忠 即侍郎以用兵除知建康府兼沿江制置使兵罷奪職奉司 **適字正則邪嘉人攫淳熙五年進士第** 忠定業水心先生連 二年而卒年七十四龍忠定样材朱以上 **闭兵之說起以入望召入事先生當淳熙時屡以大仇未 已至是調轉低胄曰是未可易言也請先擇瀕淮沿漢數** 来自制 也今合為一傳一條樂州原本以 |授平江節度推官

謀因力運雖大戰亦無難此所謂先為不可勝以待可勝者 得之地更作 角同敵雖百 (時我不渝約挑彼先 廬合具牛種置器仗耕織之外課習戰射計一 城陷中原失渡江航海莫有能與抗者其後有大儀順昌 關陝驍悍之卒疑若可以分女真之功而卒不能自是以 州郡牢作家計州以萬家為率國家大捐緡錢一 胄意方銳不聽先生上劄子日我朝係積弱之後宜和之 |捷始得定和完颜亮自殞始得以敵國並立則紹興隆 高不敢輕撓如其送死則長弓勁矢倚塹以待當 ·閒家計完實事藝精熟二 パラ・ロストラグスニエト 重氣壯志彊實力足恃雖無大戦敵自消縮 ,動因其際會河南可復旣復之後于T 9 一十萬 人聲勢聯合心 一州有二萬 際

後戰或謂敵已衰弱有天變有外患怵輕勇試進之計用麤武 之際疑若 政行實德變弱為强誠無難者所謂備成而後動守定而後戰 直上之策姑開先費不懼後艱求宣和之所不能爲紹與隆與 衝突無常勢不暇 所不敢此至險至危事也願陛下先定其論論定而後修實 漢千餘里常荡然不自保个雖分兵就邊稍同外向然我 作東南幸安之氣為問罪縣與之舉此至大至重事也誠宜 修實政者臣伏覩渡江之後非不欲固守兩淮襄漢而敵 謀熟慮百前而不憫不宜 可盡 ノオラ馬 用其力以報女真之仇而卒不敢今欲改弱 及既議和則收兵撤戍有定約又不敢謀 一時淮漢守備不全倉猝不過移治而事倚 おた王 卻而不收備成而後動守定而 2

**曉夕用心事事理會若其人未當則利害甚多伏惟陛下審之 營伍隊陳進戰退守必未能一** 四楹 軍迎敵勝負不可知要必扼江而後止如此則往者未足以係 臣欲經營瀕淮沿漢諸郡各做家計牢實自守敵雖擁眾而至 重之此兵幾三十萬未望一可當十十可當百但一人眞有 乙計可言此所謂實政之一业四處御前大兵國家倚以爲命 **阻于堅城彼此策應首尾相接藩牆禦捍堂奧不動然後進取** 西北之望而來者已足以搖東南之心萬 、之用淮漢能守此兵能戰數年之內制敵有餘此實政之一 楹有關累及三陸無獨全者其閒統副將校八馬器甲 / c.liki かなにして日 一皆是若所委付果得人尤宜 搖動將何賴馬故

|若淮漢千里果能固守四處大軍果能精練四方之才使之觀 習耳聞目見だ然生疏然天下亦非無知意才力願得自效者 事換策自能習熟易脆腐而為堅彊勁敵在前行者思奮此實 符閒拓地進築而斂不及民熙寧舊人矜伐其美然陳瓘譏切 其餘可次第舉矣所謂行實德者臣竊觀仁宗英宗號極盛之 政之三也不一丁號令賞罰黜虛崇實條目甚煩然總是三者則 和者極寡此未必皆怯懦首鼠不可任責也積安之久素所不 己不敢病民也王安石大挈利柄封樁之錢所在充滿紹聖元 世而不能得志于西北二敵蓋以增兵旣多經費困乏寕自屈 曾布以為轉天下之積耗之西邊邦本自此撥矣于是蔡京變 也圖此大事莫先人材陛下比年首以大事倡率而在廷之臣 一个并万马兹名王十四

散然則英主身濟非常之業豈以財之多少為拘近者詔書期 **猶患太重和買折帛之類民閒至用一** 矣而國用置司偶當警飭武備之際外人疑將復取臣以爲必 出非經蠹國審矣今經總制月輸青苗折估等錢雖稍已減損 夫又與自是以來羽檄交警增取東南之賦遂至八千萬糈多 臘甫平理傷殘之地則七邑始立燕雲乍復急新邊之用而免 **茶鹽法括商賈所得千百萬內窮奢侈外熾兵革宣和之後方** 固當然然國家之體當先論其所入所入或悖足以殃民則所 于名實不欺用度有紀式寬民力派底阜康兩浙鹽丁旣盡免 不至是參攷內外財賦所入經費所出一切會計而總覈之理 財本以富國財旣多而國愈貧加賦本以就事賦旣加而事愈 不斥元卦矣岳丘十四 半以上輸納食更展轉 四三

草詔先生力辭已而皇甫斌李爽郭倬之徒出淮漢閒俱大敗 宜先滅所入定所出和氣融浹小民自活實政與實德交修所 或不戰潰先生数目所謂用兵乃如是乎于是乃出先生安集 科 在節用減減以寬民力時以為迁緩不用但欲借先生之名以 疫而死被敵驅掠而去或散為盗賊者不論其弈迸求活者 生之意在修邊而不急于開邊整兵而不急于用兵而其要尤 二十萬家是皇無所歸宿無以處之則地為棄地而國誰與守 澤伏乞詔國用司詳議何名之賦害民最甚何等橫費裁節 淮先生上狀樞府言濠盱楚廬安豐和揚七郡之民凍餓疾 折 累戰而不屈必勝而無敗也改弱以就惡孰大于是蓋先 民窮極矣以此自係尚無善後之計光欲規恢宜有大賽 佝

アクラをきちら

Į

謀果定行之有成何畏乎敵于是以先生兼江淮制置措置 其急難者夏散耕秋冬入休大將憑城郭諸使總號令敵雖 極邊三十里之地西至襄漢東盡楚泗列屋而居使邊面牢 昨于營度規恢之初謂未須便動且當于邊淮先募弓弩手耕 設个歲邊報復急此三 有捍蔽者 扣城不下攻壁不入然後設伏以誘其進縱兵以擾其歸 人不得踰越今事已無及長淮之險與彼共之唯有因民之 在戰地者各有堡塢得自為家未有如本朝之混然 |而守大為城邑小為壁壘||百里之國皆有邊||面南北六朝 阻水自相係聚用其豪傑借其聲勢縻以小職 旦胡座猝起星飛雲散莫能自係生聚蕩然故某 ノニンにまるがたしてい 一十萬家者且盡喪其生春秋戰國之 區無 此

吾乃知建炎之徑渡眞非難事而逆亮之不得濟而殞者幸 至覆溺吏持文書至官皆手顛不能出語先生歎日今竟何如 人南 江岸皆相傳日敵至矣渡舟斫纜離岸櫓楫失措爭濟者攀舟 里而屯計步而守先生深憂之曰恐皆不足賴也夫此數者易 **戰艦日布列岸兵日栽埋鹿角日釘設暗椿日開掘溝塹皆數 斗其如人心已搖敵兵** 田初先生之至建康也討論防江事宜諸將各呈故事曰葺治 門下士滕宬計捐重賞募勇士別渡江北劫其營于石跋 下淮民渡江億萬所在震動一日有兩騎偽效金裝躍馬 一下之閒凡十數往返俘馘踵至士氣稍奮人心稍安金 《朱河母妹先五十四 舟師之在江中者終無尺寸之功也然渡江之 一至皆棄之走誰與力拒已而復傳  $\Xi$ 也

稍有緒次第入休可矣是役也不用先生之言以取敗事急而 **聚傑團結山水為寨者四十有七此時官司之力無緣周遍事** 堡塢分出其前後以襲逐之且日此近江第一 **册師之在江中者以彊弩前救之若舍堡塢而攻和滁等城** 故塢收聚居民募兵共守敵若窺江則堡塢足制其後舟師 出先生以救之然斫營劫寨之策宜司初不敢行先生為備陳 在江中者不至望風而走雖登岸擊逐亦有接應若攻堡塢 兵終苦無所駐足先生相度形勢謂石跋足以蔽釆石定 一般靖安瓜步足以蔽東陽下蜀西護應陽東連儀真乃修其 人唯長于此技且援北魏太武之言以證之彊而後可宜司 為生事先生笑曰敵實不能戰也所以 一層耳由此而北 (勝我由) 則

吾太平之土壤已五六十年矣使其復爲天祚盛極將亡 君子先生杜門家居絕不自辭也嘗歎息曰女眞崛起暴彊 閒之自為瓦解耳及行之而金人卒以此去時中朝方急于求 生前此封事具在廟堂竟莫能明其本末蓋大臣亦藉此以去 反劾先生附會促胄起兵端并以此追削辛棄疾諸人官而先 而有之 生以為不必但請力修堡塢以自固乃徐為進取之漸而 制科進卷九卷外案六卷荷楊問答 文集二十八卷拾道一卷別集一首有習學記可畏哉意其先見如此修〇雲藻案謝山學案 許及之雷孝友之劾先生也當時無以爲然 變許及之雷孝友本韓黨也至是畏罪乃 他

**總址講學大旨**因范育序正象遂進此篇 道始于堯欽明文思安安允恭克讓 命藏和愿象日月星辰敬授人時 次舜濬哲文明温恭尤塞在璀瑰王衡以齊七政 道之所難知則不許也 堯而已 呂刑乃命重黎絕地天通罔有降格左氏載九詳堯敬天至 易傳雖有包犧神農黃帝在堯之前而書不載稱若稽古帝 **吳思而象之使人事與天行不差若夫以術下神而欲窮天 修學案始別為立傳而特詳具其事跡以明之** 于朱子遂拾小人之說以毀之朱史亦不復白其誣于 / 艺心的是是心上写

其務言曰人心惟危道心惟微惟精惟一尤執厥中 **次禹后克艱厥后臣克艱厥臣惠迪吉從逆凶惟影響 次阜陶訓人德以補天德觀天道以開人洽能教天下之多材** 洪範者武王問以天箕子亦對以天故日不昇蘇洪範九嗪 大知執兩端用中之論孟子九多皆推稱所及非本文也 自天,而降洛書九嚼亦自然之文其說怪誣甚至有先天後 天之說今不取 舜之知天不過以恭求之旧月五星齊則天道合矣 乃錫禹洪範九疇明水有逆順也孔子因箕子周公之言故 八心至可見執中至易知至易行不言性命于思赞舜始有 イオブーオオー

蓋如此 嗚呼堯舜禹阜陶逷伊尹于道德性命天人之交君臣民庶均 有之矣 **次湯惟皇上帝降衷于下民若有恆性克綏厥猷惟后其言性** 自皐陶始 次伊尹言德惟一 禮賞罰本諸天意禹相與共行之夏商局一進之 湯自言聿求元聖與之戮力以與爾有眾請命伊尹自言惟 尹躬暨湯咸有一 德卿大夫諸侯皆有可任翕受敷施九德咸事以人代天典 禹以才難得人難知為憂學陶言亦行有九德亦言其人有 THE STATE OF THE PARTY OF THE 一叉日終始惟一 一德克享天心受天明命故以伊尹次之 一叉日善無常主協于克 4

乎性全乎命也 理如此豈特文王爲然哉固所以成天下之材而使皆有以充 足不大聲以色不長夏以革不識不知順帝之則文王備道盡 **灭文王肆戎疾不殄烈假不遐不聞亦式不見亦入雝雝在宮 湘蕭在廟不顯亦臨無射亦係無然畔援無然歆羨誕先登手** 無臭言天不可即而文王可象也古人患夫道德之難知而 文王作人之功也德翰如毛舉輕以明重也上天之載無聲 **猶有倫上天之載無聲無臭至矣夫鳥至于高魚趨于深言** 案中庸言薦飛戾天魚躍于淵言其上下寮也德輔如毛 難求也故自尤恭克讓以至主善協一 7分万岁女才五十0 皆盡己而無所察

然後唐虔三代之道賴以有傳 義理皆具自堯舜以來聖賢繼作措于事物其該括演暢皆不 次周公治教並行禮刑兼舉百官眾有司雖名物與瑣而道德 **蒐補遺文墜典詩書禮樂春秋有述無作惟易著彖象** 次孔子周道旣壞上世所存皆放失諸子辯士人各為家孔子 貫聯不可違越 如周公不惟周公而召公與馬遂成一代之治道統歴然如 舊傳刪詩定著作春秋子考詳始明其不然 案論語子罕言利與命與仁而考孔子言仁多于他語豈有 後世冥惑于性命之理蓋自是始不可謂文王之道固然也 物也皆有偷而非無聲臭也今顛倒文義指其至妙以示內 Wasa a made a student

得之矣養氣知言外明內實文獻禮樂各審所從矣夫謂之傳 孟子亟稱堯舜禹湯伊尹文王周公所願則孔子聖賢統紀旣 孔子歿或言傳之曾子曾子傳子思子思傳孟子 也然則言孔子傳會子會子傳子思必有謬誤 **閟其家非是若所自作則高者極高深者極深非上世所傳** 民鮮能而子思作中庸若以為遺言則顏閔猶無是告而獨 不暇問于大道多遺略未可謂至又案孔子嘗言中庸之德 子之道然無明據又案會子之學以身為本容色辭氣之外 晚歲獨進會子或會子于孔子發後德加拿行加修獨任孔 不獲聞者故以為罕邪、 案孔子自言德行顏淵而下十人無會子曰參也魯若孔子 《朱元學案卷五十四

自是而往爭言千載絕學矣易不知何人所作雖日伏義盡卦 者並必日授之親而受之的哉世以孟子傳孔子殆或庶幾然 開德廣語治縣處己過涉世疏學者趨新逐奇怒亡本統使道 義重非文王也叉周有司以先君所為書為筮占而文王自言 文王重之案周太卜掌三易經卦皆八別皆六十四則畫非伏 不完而有迹 亦與梁邱據語孟子不與王驩言故日涉世疏學者不足以 滕大小異而言行王道皆若建瓴故日語治縣自謂庶人不 案孟子言性言命言仁言天皆古人所未及故日開德廣齊 知其統|而襲其迹則以道為新說奇論矣 見諸侯然以彭更言考之後車從者之盛故曰處己過孔子 尼立体民民工一四

者知道者所為而有司所用也孔子為之著象象蓋惜其為他 異說所亂故約之中正以明卦爻之指黜異說之妄以示道德 王用享于岐山平亦非也有易以來筮之解義不勝多矣周易 太和參兩形氣聚散網鰛感通有直內無方外不足以入堯舜 是亦援十翼以自况故又號為儒釋本朝承平時禪說九熾 (干老佛甚久已而日吾道固有之矣故無極太極動靜男女 並行號為孔老佛學後出其變為禪喜其說者以為與孔子 子作故家泉拚鬱未振而十翼講誦獨多魏晉而後遂與老 子後或與孔子同時習易者氣為一書後世不深考以為皆 一歸其餘文言上下繫說卦諸篇所著之人或在孔子前或在 一士有欲修明吾說以勝之者而周張一 一程出焉自謂

**ララビタオヨー** 

此普以六經所未載聖人所不言者與浮屠老子辯豈非以病 為藥而與宠盜設郛郭助之掉禦乎嗚呼道果止于孟子而遂 統尚晦不知夷狄之學本與中國異 鋒銳而示吾所有之道若此然不悟十翼非孔子作則道之本 後學于子思孟子之新說奇論皆特發明之大抵欲抑浮屠之 絕邪其果至是而復傳邪孔子曰學而時習之然則不習而已 之道皆本于十翼以為此吾所有之道非彼之道也及其啓教 **向徒以新說奇論關之則子思孟子之失遂彰范育序正蒙謂** 禁令不立而然聖賢在上猶反手惡在校是非角勝負哉 臣父子安得以人偷義理責之特中國好異者折而從彼蓋 案佛在西南數萬里外未谱以其學求勝于中國其俗無君 / さころ かみし 4

大其害愈深矣予欲析言則其詞類浮屠故略發之而已昔 以白同則離之以自異然不知其所謂而彊言之則其失愈 断滅其覺非覺知其所謂道固非吾所有而吾所謂道亦非 之表六合之外無際無極皆其身所親歷足所親履目習見 列禦寇自言忘其身而能御風又言至誠者入火不燔入水 案浮屠書言識心非日識此心言見性非日見此性其滅非 援引大傳天地絪縕巡晝夜之道而知不疾而速不行而至 而耳習問也以爲世外瓌特廣博之論置之可矣今儒者乃 不溺以是爲道大妄矣若浮屠之妄則又何止此其言天地 所知也予每患自昔儒者與浮屠辯不越此四端不合之 一分分月身分五十四

必其人之可化不必其治之有立雖極亂大壞絕滅蠹朽之餘 自古以爲纖悉難統今得其所謂一貫通上下萬變逢原故不 以一貫語會子直唯一而止無所問質若素知之者以其告孟敬 舜言精一而不詳伊尹言一德詳矣至孔子于道及學始皆言 而隱孔子不必待其人與治也道者自古以為彼昣難見學者 水心習學記言 而道固常存學固常明不以身殁而遂隱也然予嘗疑孔子旣 者考之乃有粗細之異貴賤之別未知于一貫之理果合否 以貫之夫行之于身必待施之于人措之于治是一將有時 道蓋若是也譽之者以自同毀之者以自異嘻末矣以為 子思誠之不可揜孟子大而化聖而不可知而日吾所有之 11人 柱元事杂卷五十四

學其所以識之者一以貫之而已是會子之易聽反不若子貢 古聖人經緯天地之妙用固不止于是疑此語未經孔子是 恐亦不可便以為準也子真雖分哉文章性命自絕于其大者 傳其所得之道則可以爲得孔子之道而傳之則不可自堯舜 曾子又自轉為忠恕忠以盡己恕以盡入雖日內外合一 禹湯文武周公孔子所傳皆一 **向不敢近孔子丁寧告之使決知此道雖未嘗離學而不在干** 一難曉至于近世之學但夸大會子一貫之說而子貢之所聞 子有疾孟敬子問之近世以會子為親傳孔子之道死復傳 。置而不言此叉子之所不能測山 (在此一 章案曾子末後語不及正于孔子以為曾子自 クラランド ゴララニニー 道孔子以教其徒而所受各了 一而自

倍則專以己為是以人為非而克與未克歸與不歸皆不可知 曾子吾道一 故孔子稱天之未喪斯文爲己之責獨顏淵謂博我以文約我 則有司存尊其所貴忽其所賤又與一貫之指不合故日非得 但以己形物而已且其言謂君子所貴乎道者三而獲豆之事 孔子之所以一 同以為雖不同而皆受之孔子則可以為堯舜禹逷文武周公 孔子之道|而傳之也夫堯舜禹湯文武周公孔子之所以| 一物可也若動容貌而遠操慢正顏色而近信出解氣而遠鄙 特以身傳也存之于書所以考其德得之于言所以知其心 一日克己復禮天下歸仁焉蓋己不必是人不必非克己以 一以貫之曾子旣唯之而自以爲忠恕案孔子告顏 / これは B を Ril - PRI 者而曾子獨受而傳之人大不可心孔子嘗告 者

學者爭也然亦不言思故日學而不思則罔思而不學則殆不 自為窺測者學者之患也 為不能予豈與質子辯哉不本諸古人之源流而以淺心狹志 受而傳之也傳之有無道之大事也世以曾子爲能傳而予以 以禮欲罷不能旣竭吾才餘無見爲戎託孤寄命雖日必全其 舜皆備諸德而以聰明爲首孔子告顏淵非禮勿視非禮勿聽 案洪範耳目之官不思而為聰明自外入以成其內也思日痊 統紀為難識故日非得堯舜禹湯文武周公孔子之所以 節任重道遠可惜止于其身然則繼周之損益為難知六藝之 目內出而成于外古人未有不內外交相成而至于聖賢故堯 內出以成其外也故聰入作哲明入作謀睿出作聖貌言亦

サブラダオヨーリ

7 11

危道微後人安能常官而得之舍四從一是謂不知天之所與 而出于君者民已不可忤矣猶日未至于虐而已然則夏商 而後行子聞之日再斯可矣又物之是非邪正終非有定詩云 **思多實力少測知廣凝聚狹而堯舜以來內外相成之道廢矣 向非天之與此而禁彼也蓋以心為官出孔子之後以性為善** 口吾當終日不食終夜不履以思無益不如學也季文子三思 **日物有則子思稱不誠無物而孟子亦自言萬物皆備于我矣** (古人之耳目安得不官而蔽于物而思有是非邪正心有 **| 一義王路以我為正||而民之情不敢自任爲蓋符于民者已狹** 三二子始然後學者盡廢古人之條目而專以心為宗主致虚 言淫朋比德則民有罪爲下無好德而上之禰則不錫爲 《杜元》载卷五十四 村山

與偕則取之雖或不止于十一 其兆見矣九疇于古無見也禹稱九功或者幾近之 教不養貧富憂樂茫然不知直因其自有而遂取之則孰能止 儒者爭言古稅法必出于十一又有貢助徹之吳而其實不過 季俗壞民薄而堯舜禹湯之道已不可復反乎阜陶日天聰明 有不得已者與然則成康之後遂為雜霸不復古人之萬一 目我民聰明天明威自我民明威箕子之言無乃異是與蓋亦 尼地大稅廣上無前代封建之煩下無近世養兵之眾則雖己 夫以司徒教養其民起居飲食待官而具吉凶生死無不 而已不勝其過矣亦豈得為中正哉況合天下以奉 可也三十而一可也豈得以孟子貉道之言爲斷邪 固非為過也後世錫狗百姓不

不畔蓋 旋皆可忽略而不省有司徒具其交而禮因以廢矣故予以 雜記者是也然孔子教顏淵非禮勿視非禮勿聽非禮勿言非 **併集為上下篇使初學者由之而入豈惟初入固當終身守而** 曲 乃以為所貴者動容貌正顏色出辭氣三事而已是則度數折 俄因俄以知事會子所謂邁豆之事今儀禮所遺與周官戴氏 子之告孟敬子者宜若可以遵用然必有致于中有格于外使 人情事理不相踰越而後其道庶幾可存若他無所用力而惟 勿動蓋必欲此身常行于度數折旋之中而曾子告孟敬子 貫之語雖唯而不悟也今世度數折旋旣已無復可考則曾 禮中三百餘條人情物理的然不違餘篇如此要切言語可 言行則有一事之益如鑑视像不得相雖也古人治 《宋元學案卷五十四 金

為物欲而害道宜格而絕之邪以為物備而助道宜格而通之 之要在誠意正心之先最合審辨樂記言知誘于外好惡無節 論者堯典克明唆德而此篇以爲自明其德其修身齊家治國 學自心意及身發明功用至于國家天下貫穿通徹本末全具 案經傳請書往往因事該理多前後斷絕或彼此不相顧而大 **誠意必先致知則知者心意之師非害也若是則物宜何從以** 平天下之係目略皆依做而云也然此篇以致知格物為大學 邪然則物之是非固未可定而雖為大學之書者亦不能明也 丁內物至而人化知與物皆天理之害也予固以為非此篇言 二者之求則厚者以株守為固而薄者以捷出為偽矣

者今欲以大學之語繼之當由致知為始更不論知以上有物 羅安得意未誠心未正知未至者而先能之詩日民之靡盈誰 禮勿視聽言動皆不論有物無物喜怒哀樂之未發非無物發 捷之地未易求而徒易惑也案舜人心惟危道心惟微孔子非 **夙知而莫成疑程氏亦非也若以為未能窮理而求窮理則未** 正之心未誠之意未致之知安能求之又非也然所以若是者 至當致而君臣父子之道各有所止是亦入德之門耳未至于 程氏言格物者窮理也案此爲心未正當正意未誠當誠知未 而皆中節非有物三章眞學者超詣簡捷之地也其他未有繼 正謂為大學之書者自不能明故疑誤後學爾以此知趣詣頗 一大七事民的五十四 大三

**乾以自殭不息坤以厚德載物屯以經綸滎以果行育德需** 飲食宴樂訟以作事謀始師以容民畜眾小畜以懿文德模以 理室滯而不閎方為學者之患非于所敢從也以上架洲原本 坐一物字或絕或通自知不審意迷心誤而身與家國天下之 **徽比于諸書之言先役斷絕彼此不相顧者功用之相去遠矣** 物物為是物為非格為絕格為通也若是則所知靈悟心 |下定民志否以儉德避難同人以類族辨物大有以過| 也 雖未至于趣詣簡捷之地而身與家國天下之理賞穿通 物即知止之義知止即求至善之地故至能處而後能得 百家謹案格物不言先而言在則大學頭腦原始致知格

アララとラスニー

德臨以教思無窮客係民无騷賞以明庶政无敢折獄大畜以 懼逃世無悶坎以常德行習教事咸以虚受人恆以立不易方 多識前言往行以畜其德頤以慎言語節飲食大過以獨立不 **遯以遠小人不惡而嚴大壯以非禮勿履晉以自昭明德明夷 扎終知飲豐以折獄致刑旅以明慎用刑而不畱獄巽以申** 則改史以施祿及下萃以除戎器戒不虞升以順德積小以 反身修德解以放過宥罪損以懲忿窒慾益以見善則遷有過 命震以恐懼修省長以思不出其位漸以居實德著俗歸妹以 〈困以致命遂志井以勞民勸相革以治愿明時鼎以正位疑 **泛粒界用晦而明家人以言有物而行有恆睽以同而異寒**好 公裒多益寡稱物平施隨以嚮晦人宴息盡以振民育 一元には世紀に十二 

近世有求端用力之說夫力則當用而端無事于他求也求諸 此足矣 也孔子與弟子分別君子小人甚詳而正條目于身乃著明之 通以行過乎恭喪過乎哀用過乎像旣濟以思患像防未濟以 又當于其閒擇其尤筋直切近者 行事兌以朋友講習節以制度數議德行中学以讓獄嚴死小 供辨物居方皆因是象用是德修身愿事致泊消患之正條目 皆不豫焉 萬緒然皆不若易象之:示人簡而切確而易行 **祖垒遳朱水心所引五十四條而日先王日后日大人者** リタラとすれるコーレ

所謂上下繫文言序卦文義複重淺深失中與彖象異而亦附 **象辭意勁厲截然著明正與論語相出入其為孔氏作無疑至** 班固言孔子為柔象繫辭文言序卦之屬于論語無所見然象 易以彖釋卦皆即其畫之剛柔逆順往來之情以明其吉凶得 屠氏之學至中國而中國之人皆以其意立言非其學能與中 失之故無所謂无思无為寂然不動不疾不行之說子嘗思浮 密以成功者君臣不密此論雜霸戰國之事可也去帝王遠矣 目堯舜至文武君臣相與造治成德雖不為疏以致敗亦無依 乙孔氏者妄也 大傳依于神以夸其表耀于文以逞其流于易道出入而已 **祖坐謹案此論最是** 

端 從之失其會歸而道日以雕矣 有此義從之則不足以成道德而終至于滅道德比日先王以 **崇高英大乎富貴是以富貴為主至權與道德並稱詩書何嘗** 將以本原聖人扶立世教而亦為太極以骇異後學後學鼓而 始妄為名字不勝其多故有太始太素茫昧廣遠之說傳易者 國相亂而中國之人實目亂之仝傳之言易如此何以責夫異 大生而地成是又傳之所無而學者以異說佐之 子彖辭無所謂太極者不知傳何以稱之自老蚦爲虛無之 節此言陰陽奇耦可也以為五行生成非也其日

|富貴必如是||而後可不然其敞至于紊漢矣 建萬國親諸侯大有日君子以遏惡揚善順天休命然則崇高 書自典謨始此古聖賢所擇非孔氏加損其閒壽序舊史所述 殷之末世其衰世之意是不能必其時皆以意言之 旣謂包犧始作八卦神農堯舜鎖而成之又謂易與于中 非孔子作 序卦最淺鄙 **庾夏商書之言德必自厚而民服箕子教三德乃視世厚薄而 椰吾德以义之非古人意也古者戒人君自作漏威玉食必也** 由道德 而成其崇高亦自有義 祖望莲条車玉峰謂水心此言太過予謂水心以富貴必

之召公又戒成王疾敬德蓋與禹益同意不隨世變而遷惟聖 武王即以商封武庚不私其地德過于湯矣武庚弗從而滅周 克己以惠下敬身以敦俗况于人臣尚安有作漏威玉食者箕 商之貴家舊族終頑不率周公方為之營洛遷以自近而化該 公無所寄之然後以次分封而同姓多馬後世謂犬互相制為 域是時帝王之道非降為刑名法術不止悲夫 一之言得非商之末世權彊陵上之俗已成科雖肆其暴而威 右宗若自守其天下者非本旨也 極雖多立善意以待其臣然黨偏己扇虛偽己張廉恥己妻 已失故其言如此然而武周亦未當用也秦漢乃卒用之 救于末流甚難非大刑弗治非峻防必踰君德日衰臣節日 八朱元摩案卷五十

賢能之 當 言哉 矣周召恐懼師係協心卒能復成王于德于是疾病矣洮額自 陋世變日下皆依勢倚法之類也 而奉之康王义使康王報誥之何忽以位為重而為是衰末之 一般傳命于康儀物粲然四方風動為斯道之所在也位何足 大延基臣還以周召訓已者而訓之是可為難矣是故召畢 彌畱之際被冕憑几以其子託諸臣召公及羣公渝恤致文 與嗚呼紂武庚之時變故煩矣管蔡流言成王疑應道將喪 :威無倚法以削成王知所以命君陳矣然而人材日 不言委政冢宰免喪而後卽阼古人之達禮也成王

治體漢之文宣唐之太宗雖號賢君其實去桀紂尚無幾可不 詩不當以正變分要以歸于正 成康再世皆以商民為畏非畏其頑畏吾不能化也越三紀而 橋之艱難古人未有不先知稼穑而能君其民以使協其居者 所當深體也洪範目惟天陰隱下民相協厥居無逸日先知稼 詩三百皆史官先所采定也不因孔子而後刪 後化俟之以道不以刑也觀畢命而成康之道備矣 此詩乃無逸之義疏協居之條目也後世棄而不講其講之 七月之詩以家計通國服以民力為君奉自後世言之不過 用之麤事非人紀之大倫也而周公直以為王業此論治道者 笑其迁淺而無用乃以勢力威力爲君道以刑政末作爲 《朱元學案卷五十四 H

惟哉 使皆燕廢訛雜則仲尼將安取斯今盡揜前聞一 跃明且哲以乐其身言照物之遠不在危地也然而必也死生 事其一時作起觀聽赫然固臣子所喜至于恩深澤厚本根有 孔子之先非無達人六經大義源深流遠取舍予奪要有所承 躺繭不入其心自班固以明哲少史遷而後世相傳轉為自安 託敬係元子綢繆室居則未可謂知文武成康之意也故不幸 厲王後天下不復有號令宣王訊歌皆封建征伐蒐符宮室之 術殆于誣德矣 傳而壞讀詩者徒樂其解而不察其事則治道失之遠矣 **祖望謹案末句似已甚然要異乎同甫矣** 121日 多级山上日 歸孔氏後世

堯舜時亦已言道及孔子言道尢著明然終不的言明道是何 其舊而已非謂盡取而紛更之也後世賴孔子是正之力得以 無不恐具予疑非耼所著或隱者之辭也而易傳及子思孟子 |物豈古人所謂道者上下皆通知之但患所行不至邪老耼本 也當孔子時魯衞舊家往往變壞孔子于時力足以正之使復 得民至德以為道本最為要切而未嘗言其所以為道者雖書 **周官言道則兼整貴自國子弟賤及民庶皆教之共言儒以道** 孔氏而後剛 垂于無窮而謂凡孔子以前皆其去取蓋失之故曰詩書不因 周史官而其書盡造萬事而特言道凡其形貌眹兆眇忽微妙 所以尊羓氏者固已至矣推孔子之所以承先聖者則未為得

アメラスタスコール

|栗防之是則民僞者天之屬也民情者地之屬也僞者動作文 |始化日魄陽日魂||而儒者因謂體魄則降知氣在上易傳又謂 之和而宗伯以天產作陰德以中禮防之以地產作陽德以和 接之患而不失古人之統 亦爭言道皆定為某物故後世之于道始有異說而又益以此 伯之言考之則魂知者固陰德也體魄固陽德也僞不可見而 精氣為物游魂為變故後世皆以魂知為陽體魄為陰然以宗 為辭讓度數之辨也情者耳目口鼻四肢之節也子產言人生 司徒以五禮防萬民之僞而教之中以六樂防萬民之情而敎 列西方之學愈乖離矣今且當以周禮二言為證庶學者無昨 **祖望蓬案此那嘉以經制言學之大旨** こうころう さんないし 

能匿情故為陰情可見而能滅偽故為陽禮樂兼防而中和 孔子時聖人之力尙能合 弓膚率于義 則性 之舊至孟子時所欲行于當世與孔子已稍異不惟 **祖望蓮案此節說得有病** | 徇偽體不能中樂不能和則性枉而身病矣 正而身安此古人之微言駕論也若後世之師者教 **有說非區區陳迩所能干也** 者监督 及雜記諸禮與儀禮考之益知其所謂簽豆之 不得同矣然則治後世之天下而求無失于古 一月万月第分五十亿 體而審縮于女辭 以接唐虞夏商之統故所述皆四 雖然變豆 數也吸所 子雖 ¥.

諸侯之國前代相因周之特封者齊晉魯衛陳察朱鄭皆自五 孟子考之不詳因亦并廢管仲 守也執精略贏得末失本皆其所懼也 親經解所言當時讀書之人其陋已如此固難以實後人也然 百里以下謂必百里者妄說也 出義也古稱孔子與其徒未當不習禮雖逆旅茇舍不忘是時 諸侯孔子謂管仲身不由禮則禮不能行于天下故謂之小譽 禮文循班班然行于上下智者將棄之矣其而爲一 小行人司儀所以親待諸侯邦國之禮周衰惟管仲知之故 祖望謹案水心欲主張周禮以非孟子 |招攜以禮懷遠以德德禮不易無人||不懷齊侯修禮 孔子之所

聖賢之統可合白子思孟子獪有所憾則經解所言亦其常情 但後學緣此墮處不少 以言而履之為禮以綏兆羽籥鍾鼓不必謂之樂而以行而樂 為樂是則離玉帛含鐘鼓而寄之以禮樂之虛名天下無復 非玉帛所云而終不可以離玉帛樂非鐘鼓所云而終不可 周召旣亡大道釐析六藝之文惟孔子能盡得其意使上 不可以言天命蓋物與人生于天地之閒同謂之命若降衷 合鐘鼓仲尼燕居乃以几筵升降酌獻酬酢不必謂之禮而 稱惟皇上帝降衷于下民卽天命之謂性也然可以言降衷 、固獨得之矣降命而人獨受則遺物若與物同受命則物

· 宋元學朱卷五十四

卓然百聖所同而中庸顯示開明尤爲精的蓋于未發之際館 **耆稱人心惟危道心惟微惟精惟 惧獨為入德之方** 當然也而以意之所謂當然者率之則道雕于性而非率也書 又稱克綏厥猷惟后卽修道之謂敎也然可以言綏而不可以 得其當然者若人而有愜則可以為性若止受于命不可知其 **言修蓋民若其恆性而君能殺之無加損爲爾修則有所損益** 也然可以言若有怄性而不可以言率性蓋已受其衷矣故能 何以不能率而人能率之哉書又稱若有恆性即率性之謂道 巾道非其眞則敎者彊民以從己矣 **租望链案水心于中庸首章極稱之而不滿于此三句** COLUMN TRAIL I 允執厥中道之統紀體用 

皆中節則人心可以常行而不危不微不危則中和之道致于 性而歸于中故道輿愚不肖何為哉 不肖者不及是以道不明然則欲道之行與明必處知愚賢不 不能化也若夫愚不肯則安取道之不明與不行豈愚不肖致 師之過商之不及皆知者賢者也其有過不及者質之偏學之 此言能繼之 我而天地萬物之理遂于彼矣自舜禹孔顏相授最切其後惟 見其未發則道心可以常存而不微于將發之際能使其發 )故今將號于天下日知者過愚者不及是以道不行賢者過 開邪任道者賢知之責也安其質而流于偏放道廢盡其 ノララをする

也 終不明學者又章分句晰名為習大學而實未離于小學可惜 飲食知味自為一 素貧賤行乎貧賤可也素富貴行乎富貴不可也在下位不拔 **肖同為不知味者害尤大矣** 國平天下也然其書開裁箋解彼此不相顧而貫穿通徹之義 所謂大學者以其學而大成異于小學處可以修身出可以治 知致而意誠者不期誠而誠也意誠而心正者不期正而正也 |可也在上位止于不陵下未盡其義也 人雖稱中庸子思所著令以其書考之疑不專出子思 祖望謹案此說亦未盡蓋開截分段固非而此說則太直 **尽朱元學案卷五十四** 章獪足以教世若繫之此下是以賢知愚不 金当

管仲仗信秉禮然以成其利心于是諸生又別為陰謀之書申 威虐如晉文者蓋皆無之宜孔子以爲正而不譎如其仁也 齊桓管仲但為情欲不制無正心誠意修身齊家之功喜怒用 也 琴張宗魯事知孔子所為明道教人非止性分上工夫惟顏閔 侯所譖而周所誅是幷讎問也春秋又從而賢之乎 紀侯見滅公羊以為百世可以復讎妄也躭如其言哀公雖紀 師無不殄厥愠不隕厥問之德至于食土地自封殖行詐謀逞 商韓非之術並與 一冉為所同外此雖曾子知道亦未能盡其義子路之流不論 祖笔謹案未必盡然琴張事正從性分來

赤舄几几聖人之道也臨深履薄賢者之事也 驪兜等雖姦思害政然其不肖何至如季文子所言乃汙堯躬 道當別論前志不復可接續也 圍宋古今未有此比是其國無一日不在吳其兵無一日不可 投秧而起展及于室皇劍及于展門之外車及于蒲胥之市遂 明其義乃乾德也 居大位而不能去蓋傳習之誤 **穆姜所稱四德古人說易有此論其義狹不足以當乾孔子推 <b> 目松以類者鮮庶幾哉不遷怒之學矣** 万镑後世所稱以為美然以偶為德世道愈失 一也民之窮于戰屬可知矣然不亡而卒以霸蓋自是以後世 ~ 宋元事矣岳五十四 表当

此孟子不暇辨也 尹公佗事考之左傳知有友而不知有君戰國所爲仁義多如 先君後民自民言之則當先公後私理各有所正也 惟功名之心蔣誠恐雅道自此而壞後世則不然 述伯玉不闻君出敢聞其入二語古入于事變之際少千涉不 晏子不亡不死不歸不從准慶歃從容去就之際然要為有走 富德義為無挟而存耳 丁產相鄭若止是施政于民亦非難事大要國體不立如旣壤 丁罕扶築者不受德與卻克分謗意同義異蓋自君言之則當 一祿不在不朽之數然古亦未有無功德而世其滁者學者要 而亦不足以阻折亂臣賊子之姦心

ラララララニー

此老册所以有感于周之末造且欲弁廢其初也 **悪有畔之論** 新之可革裁量張弛不用一法其曲折甚難故有思始成終如 之室扶東補西欲加修治使之完美自立固非舊之可因亦非 是自己切近處易有所覺故進言者荷有動悟則于政事反之 到變古處先王之政遂不可復治道固不能不與時遷移然亦 以晏子答齊俠問疾及梁耶據和同二義考之古之聽言者要 鄭鑄刊書子產于扶補領壞之中必欲翦裁比次自令新美做 **有清靜寧民可以坐消四國之患使古意自存者而為是粉粉** 鄭作邛賦當由人多于地若無故重斂亦子產所不為也然君 **丁以變古爲難須更有商量子產未免矜才一向做下** 一人长七事长龄五十四 辛兰

成縟說文王詩與馬鄭何遠所謂經生陋儒非獨秦火後有之 **尊絕卑之異其身之喜怒哀樂尚可反求故也不然則孟子非** 為臣之義豈易言哉 陳猾是援證始末孔子但言君君臣臣父父子子簡淡無執捉 不教人以格君心之非後世用之其驗殊少反被迁拙之消倉 君位利勢者與戰國泰漢以後不同君臣之閒差不甚這無隆 處景公便深省解然則非獨晏子能言之功也蓋春秋以前據 **小如就事開說者猶能得其一二也嗚呼君德不同若此欲盡** 則不復敢們運就使于事有所正而其效固已薄矣晏子所 難後世人主本身去義理甚遠人臣止能放事開說至其身

ラクラショックニーー

敢絕也 **宣王不藉千畝而料民戰國之風氣已開吉甫方召之徒自** 夫差處內事外輕用民力止形已成子胥不知救正其本|而急 歌誦得非新進驟起以且夕成功舊人前輩所不與邪故太子 吳始用子胥之謀孟子謂服上刑者此之類也 四民未有不以世至于烝進髦士則古人 齊語載管仲相齊細考多不合 **請侯之為日在君側以其善行以其惡戒晉入所言春秋也敎 育以與幽厲同稱學者所當知** 之春秋·而爲之聳善|而抑惡爲以戒懼其心楚| 丁诚越以求霸使越可滅不二十年要亦不免于ヒ 八蓋曰無頻雖工商不 (所言春秋 也 相相

左史倚相舉衛武公語當是時未有生老病死人士大夫之心 然則晉乘楚檮杌當時戰國妄立名字 高與榮必高是不可下也必樂是不可枯也是以利誘人使為 **西子日仁則榮又日仁者宜在高位高榮仁之報也而不能必** 仁也仁始病矣 古之人君不能從諫其諫者不加怒也 而自逐是末世人材也 **5.聪明寄之佛光為善者有全力故多成材凡人壯不自定** 之君耳 祖望謹案洩冶則以此死亦未必畫然水心特以之勉後 祖 望謹案孟子 特以誘人為 仁然水心論 卻極正 **另一月月,第一月** 

命空虛自喜者思而不學之類也士不越此二途 志學至從心所爲限節者非所以爲進德之序疑非孔子之言 國語非左氏所為 由後世言之祖習訓故淺陋相承者學而不思之類也穿穴性 見其過而內自訟足以入德矣人能見其善而內自譽耳 殺者常以此用力而一息一食無不在仁庶可矣 體孔子之言仁要須有用力處克己復禮爲仁由己其具體也 頻復之流與是孔子誣天下以無人也蓋量身子喜怒是非之 不遷怒不實過以是為顏子之所獨能而凡孔氏之門皆輕愠 出門如賓使民如祭其操術也欲立立人欲達達人又術之降 外者始可以言好學而一世乏人常區區平求免于喜怒是非 下宋元學紫卷五十四 宠主

|儒者||不考于德||而徇于學則以其學為道之病 **述其所並不信乎孔子而信其所信則道終以不明** 之內而不獲如榾泥而揚其波也嗚呼必若是則惟顏子耳 **蹿事而懼好謀而成雖伊呂不能易不然則以獨勇爲子路之** 徙義循遷怒也義則必徙以孰之怒則不遷以就之其機一 疏水曲肱浮雲富貴之說詩書所未有蓋是時道德在上而不 在下也 不得其死矣 無所為作也信而好古所以能述也今之學者不述乎孔子而 言勇至不懼而止子路之勇可以言無懼矣然必兼仁與知故 天下之事變雖無窮天下之義理固有止故後世患不能並而 

病毒而材全 欲其復行也恭慎勇直得于天者非不美然有禮則以其質成 善亦皆有所依據外不失人內不失己故孔子深惜禮之廢而 故孔子教人以多聞多見而識之又著于大畜之象 也未有能受之者也顏淵易為能受之能問其目故也全體因 克復為仁舉全體以告顏渊也孔子未嘗以全體示人非客之 禮教至周而大備道盛仁熟之士固已揖讓周旋其中初德偏 百聖之歸非心之同者不能會双言之長非知之至者不能識 無禮則以其質壞人非下愚未有無可成之質使皆一于禮則 旦而後明 " and it wasts distributed in a

若宜王果因孟子得警發豈遂破長夜之幽昏哉舜禹克艱伊 語之近而能判王霸之是非于千百世之遠迷復得路渙然昭 在口耳鱼有是哉一質之指因子貢而屬明因會子而大迷 蘇宜若不待堯舜禹湯而可以致唐處三代之治矣皆是時去 莫不義君正莫不正一正君而國定夫指心術之公私于, 與適政不足與閒惟大人為能格君心之非君仁莫不仁君義 **往無問其所從必得吾之所以言而後止故孟子自謂人不足** 天下盡變不啻如夷狄孟子亦不暇順但言以齊王由反手也 孔子雖止百餘年然齊韓趙魏皆已改物魯衞舊俗渝壞不反 孟子出而說齊梁之君幾得政于齊問答十數章大抵逆來順 世間孔子語曾子一貫曾子唯之不復重問以爲心悟神領不 一、朱元母等是五十四

堯舜君道也孔子難言之其推以與天下共而以行之疾徐先 後喻之明非不可為者自孟子始也 反手之治亦復難與可為乳歎 接堯舜禹湯之統雖論者或以為有曹有不善或以為無善無 其可以矯揉而善尙不為惡性者而孟子弁非之直言人性無 往往以為人性自應如此告子謂性猶杞柳義猶柘祐猶是言 非復成周之舊遂大壞而不可收戒夷之橫猾不是過也當時 **周衰天下之風俗漸壞齊晉以盟會相統帥及田氏六卿吞滅** 不善不幸失其所養使至于此牧民者之罪民非有罪也以此 新機括後之儒者無不益加討論而格心之功旣終不驗 德周公無逸聖賢常道怵惕兢畏不若是之易言也自孟 7だには 花粉に 十月 圣丛

政不有 **财舌之人非先王之道詞氣峻截不可嬰拂使見老子至治之** 許行言賢者與民並耕而食養食而治雖非中道比于刻滿之 相往來之語又當如何 聖之功所謂性者姑以備論習之一爲而已 履孟子之時英得其所以言之要小則無見善之效大則無作 性近習遠乃言性之正非僅善字所能宏通後世學者旣不親 之中此孟子之功所以能使帝王之道幾絕復續不以毫釐秒 俗民各甘其食美其服鄰國相望雞狗之音相聞民至老死不 忽之未備為限斷也子當疑湯若有恆性伊尹習與性成孔子 不善或直以為惡而人性之至善未當不應然見于搏噬彩奪 乎孟子力陳堯舜禹稷所以經營天下至謂其南蠻

アグラとラオヨーロ

稱伊尹不幾于所謂狂伯夷不幾于所謂狷而柳下惠疑若 **耼歎其猶龍關尹彊之著書與莊子合是為黃老者借孔子以** 之比而傳者以為五就孔子言柳下惠止于不枉道不去父母 原然者疑亦未精心 孔子但言伯夷求仁得仁餓死于首陽之下而孟子乃言其不 無亂亡之擇則曷為不度其君案書伊尹去亳適夏武王觀政 可典鄉人處則無故而迫切已甚伊尹果自任以天下之重而 奚可以與我友摽使者出諸大門之外疑皆執德之偏 被以其富我以吾仁彼以其爵我以吾義以德則子事我者也 一戴記孔子從老聃事禮家儒者所傳也可馬遷記孔子見老 |邦||而孟子遂以為與鄉人處不忍去則誣辱已甚夫孟子之 1

並時或相先後亦皆與道德之意相首尾數語應補入老子之學記言此下有管子尚權謀子華子言仁義其人老子老子之世故所用非人心所安故堯舜禹皐以至周孔損削弗稱雲濠 學固昔人之常至其能盡去謬悠不經之談而精于事物之情 無之宗而皆有定理可喻遠不過有無之變近不過好惡之情 偽執其機要以御時變則他人之書固莫能及蓋老子雖為虛 伏羲以來漸有文字三墳五典今不傳大抵多言變化愉悅非 之老子而為此書者必非禮家所謂老 耼妄从訛 而合之耳自 故為嚴居川游素隱特出之語何邪然則教孔子者必非著書 然而欲自明其說則今所著者豈無緒言 二一辨晰于其閒而 重其師之詞也使冊果為周藏史嘗敘孔示以故記雖心所 而其術備矣其徒列禦寇莊周祉並之上推灭地之初下極 · 朱元号茅兔五十匹—

能通吉凶之變後世共由不可改也今老子徒以孤意妄爲窘 地則多失之古人言天地之道莫詳于易即其運行交接之著 使至于治而老氏以為抑遏泯絕之使不至于飢 物之化其言下里夷貊如太始太素青寧程馬王 明者自畫而推逆順取之其察至于能見天地之心而其驫亦 丁固謂老子之言有定理可喚至于私其道以自喜而于言天 **大用付陰陽陰陽成四時般此生彼豈天地有不仁哉曰玄牝** [其無欲于物者亦勢也聖人知天下之所欲而順道節文之 人心質而腹虛骨弱而志疆其有欲于物者勢也能使反之 而其說輒累變不同日天地不仁以萬物爲芻狗夫天地 一样元多数形瓦十四 丁其指歸終不

道言天而其慢侮如此及其以天道言人事則又忘之曰天 天地與八而道 大地之意也凌肆發達起于二氣之爭至于過甚亦有天地所 **小終朝縣雨不終日天地尙不能久而戎人乎夫飄風驟 八**銜張弓則是天常以機示物而未嘗法道之虛 從古聖賢者畏天敬天而從老子者疑天慢天其不可也必 先天地生叉日天法道叉日天得 屬何敢擬于其閒蓋老子以人事言天而其不倫如此夫 能止者矣然君子之象為振民育德赦過宥罪而區區血氣 是為天地根則是不以乾統天而天之行非健也日飘 行馬未知其孰先後也老子私其道以自喜故 以清不稽于古聖賢以 無為也然 雨

アララとオラコ

學同 蓋老子之微言機十數章其有見于道者以盈爲沖以有爲無 | 執異學以亂王道罪不勝誅矣使其非冊| 而處士山人乘王道 **侨此道者不欲盈自爲而已** 案易勞謙君子有終而萬民服蓋以功與人而己不居焉老子 **柰何俛首以聽或者叉助之持矛馬然則學而不盡其統與不 也遂欲盡廢之而以其說行天下嗚呼使其為藏史之老耼則 衰闞之際妄作而不可並奇言而無所考學者放而絕之可也** 子華子太初實生三氣日始日元日玄其言如此異哉蓋古之 百道三墳八索舊所聞記往往皆然故問者有風輪誰轉三三 **[柔為剛以弱為彊而已然謂堯舜三代之聖人皆不知出此** Various Rude and others, e.e. . . .

水諸輸相與執持上至有頂其說尤怪洪範九疇箕子言天所 六六誰死誰使之語明其為常所傳習也案浮屠在異域而 亂易是以學者紛紛至此 備道之會宗可以日用而無疑矣柰何反爲太極無極動靜男 轉相誕惡而不能正後世學者幸六經已明五行八卦品列絁 **女**清虚 所謂獨幹中氣生生萬物新新不窮者經籍乖異無所統 為五行即是書所謂上炎下注者然易言坎離未嘗如是 自嘗云子華子書甚古而文與今人近則固疑之矣此乃 **祖望謹案陳振孫深以水心之篤信子華子為誚水心亦** 大轉相夸授自胎蔽蒙皆由于大傳文言諸雜說之 條亦言其駁而終不以爲偽則蔽也 八朱沅埠案卷五十四

范臺舉傷魯君擇言四事自伯禽以來惟僖公稱賢猶未能及 此言也魯方百里者五其君之賢如此而不能興其國豈流傳 談客妄論能使人心術下移 家語載季氏用田賦詳于左氏因歎唐人自天寶 唐雎言人有德于我不可忘予有德于人不可不忘此固人之 知以田養兵而以稅養兵流害相承至今日 **亦無自毀以成其君而可以不飢者夏禹有訓君臣克艱而己** 一勢至是始成古今固無人臣自賢以貶其君而可以致治然 一誤邪抑偪側于暴彊之閒而不足自立邪 策忠臣令誅在下譽在上大臣得譽非國家之美君臣相忌 時倉猝不

漸失然猶有義理之餘至于戰國人心無復存矣先物而流造 勢為傾錄聽以出知巧架漏以成事機皆背心離性而行者也 **阜陶而羲黄后牧之倫不與爲史遷未造聖人之深旨特于百** |養黄為文字之始||而孔子斷自堯舜蓋亦不起自孔子也禹臯 論世有三三代以上道德仁義人心之所止也春秋以來人 共明治道祖述舊聞其時去黃颛不遠所稱道德廣大皆獨日 浮者不能順德軌行則撓而從之矣故有以戰國策為奇書者 堯舜未有上及其先者豈夸禰而忘祖哉以爲神靈不常非人 之所止則有道矣然其質者不能論世觀變則常患于不知其 一分關不敢論非掩之也故稽古而陳之君止堯舜臣止禹 **水块元學朱老五十四** 

扶持商賈流通貨幣故子產拒韓宜子一 者行之難不可不審心 後不監于後無以明前古今並策道可復興聖人之志也卓然 明于道者有是非而無今古至學之則不然不深于古無以見 曹懋遷有無化居周譏而不征春秋通商惠工皆以國家之力 天官書星文占歐家所存方術所眩晏子子產之所不道 謂王政可行者孟子也曉然見後世可為者荀卿也然言之易 野之人出為雄强 項籍學書不成學劍又不成學兵法上世教法盡廢而亡命草 家雜亂之中取其雅馴者而著之然旣數千年所言不可信審 THE THE SECTION OF THE PARTY AND THE PARTY A -----現不與漢高帝始行

築盗亦日舜所致則是不復論天德也孔孟之論日舜禹之 當言皆由律起而孔子贊易無以八卦合度量權衡之文義 也果出于厚本而抑末雖偏付有義若奪之以自利何名為 伶倫定律本物皆由律起妄矣自司馬遷言六律為萬事根 王莽時通知鍾律者所言聲數度量權衡無不傅合于易又傳 百貨自居之夫四民交致其用而後治化與抑末厚本非正 下也 八之論因之書言同律度量衡古亦以律度數同為 八崇尚報應史遷所稱唐處之際有功德臣十一 而不與爲則雖勢位消歇而道德自存遷所未知 人之策至武帝始有算船告緡之令極于平準取天 /而陳氏 一物未

ノイラ風・タイコ

1

陰陽之精本在地而上發于天後世天支術家固未有能言此 言也 蓋不起于律易亦不兼思數以今逆古皆無用之虚詞 者然聖人敬天而不責畏天而不求天自有天道人自有人道 **参合為** 經星之傳遠自堯舜其時諸侯尤多而星吉凶所不主占顧家 固無其文也左氏載禍福其後始争以意推之天文地理人道 天以齊之必如影之象形響之應聲求天甚詳貴天愈急而 思象玻璃顺天行以授人使不異而已若不盡人道而求備 人主以有德王無德亡至騶衍妄造五德勝克孔孟之徒未嘗 盡廢矣 **晋粜堯舜時易道未備三代以前未有春秋古愿法** || 宋元學案卷五十四 **季** 

**狂子陳洪範日天所以錫禹个尋典謨不載被錫之由若禹不** 劉向為五行傳歸于劘切當世然洪範之說由此隳裂 勒武王修禹曹法乃學者以爲秘傳迷妄臆測相與非習以吾 即五行三事則庶政羣事也戒之蓮之鴈極之分也九功九疇 名異而實同也禹言略箕言詳天之所錫非有甚異不可知蓋 本皆人之所以自命其是非得失吉凶禍福要當反之于身若 夫星文之多氣條之雜天不以命于人而人皆以自命者求天 1天有是命則人有是事此古聖賢所不道 三言所得于先而箕子獨明其所傳于後以是爲三代之祕文 後世學者之虛論也禹以六府三事為九功戒之董之六府 身視聽言貌之正否而驗之于外物則雨賜寒燠皆爲之應 

能治哉 以散羡矜侈者四面而至矣是于武帝之病方將豢而深之豈 **問之所禁者為難信無用之迂說所開者為可喜旋至之立效** 漢武欲聞大道之要至論之極仲舒前以災異禁之後以勉强 引已事往證分剔附者而使洪範經世之成法降為災異陰陽 任人之責而當天之心出治之效無大于此个必一 敗乎而仲舒亦以樂為先躬行之實廢矣又終于蔣瑞尤躬行 則堯舜禹湯之所為兢惕畏慎者終于不存而唐虞商周之所 **乙書可為痛哭** 樂論治可也水治而以樂為先鐘鼓管乾之存何救于德之 / かんことがなるがって 十日 きる「 配合章

**威然救止其內** 漢武動民于干戈習俗于姦詐仲舒雖能泛然諷導其外未能 |旁言之必酌于理使是非得失有所考者後人所以為文也若 語耳 居君子位為庶人行誠後世通患然師友議論以此自責則可 疑君子 凡正言之理無不具而隱顯上下交相明者古人所以為輕也 正誼不謀利明道不計功初看極好細看全疏闊古人以利與 天窮虛殫詞以無為有自處于妄而後反之正此違于經而該 一一不自居其功故道義光明旣無功利則道義乃無川之虛 **近教人主責士大夫則不可蓋人主當化小人以有恥不當** 以無恥也疑君子以無恥則人才掃地不可振矣 ノダラグラススコー 1

光武明帝以儒學飾吏事心誠好之而本質克治不盡其臣佐 王嘉有云慎己之所獨向察眾人之所共疑可謂名言 欲其下重足敛跡而善惡顚倒者又廣漢之徒所不為 有所止未能迪德通不專在人主也 成王命君陳皆無用矣若後世吏術不明妄以廉明自許但 古皆有必待有以勝之而後能使小民得職則周公教康 意疏百姓可以德勝難以力服鹿鳴 \"析數操縱為支趙廣漢尤為民所稱預家巨姓盗奪縱 曰括囊大典網羅枫家剛裁繁蕪刊改漏失然不過能 Wasa sasa a asaa a a a a 諸賦是也 詩必言燕樂者 T EW

韓彭起飄揚之思張騫陳湯鑒空外國乃有分外人材而班超 後至西漢赤有達此理者西漢末節士始漸知之王良之友所 謂屑屑不憚煩所以成東漢之俗 樂恢說杜安干人主以窺踰孟子所謂龍斷穿衞者也孟子以 乙功然未有踰分越限者雖春秋時尚然及蘇張資揣摩之學 八神之心恰然後天氣和有味哉其言之也推其所行措之三 、外者誕漫不酧如幻人之奏俱無用矣 二十六人開西域其後愈降分內者枯竭不繼如濟水之絕 不難 入才必在分限之內上自禹稷下至方召能成天地不及 一詩放棄規檢以適己情自是風雅壞而建安黃初之 · 朱元母亲者五十匹—— 美

體出 質漢八不知學而权度以質爲道遂使老莊之說與孔顏並行 厚自處則寡怨而遠罪矣如葋與篤未嘗不正其言行而卒免 黃叔度為後世顏子觀孔子所以許顏子 崔實政論絕無義其大意不過病季世寬弛欲以威刑肅之不 服天下東漢儒者欲以不平之意加于敝法之上以勝天下之 知飢亡之證不在此 吳祐延篤進不求名自行其志凡人所願于世者能淡薄而以 一片宜其累發而累挫也 一善形惡自是義理中偏側之累故孟子謂以善養人然後能 飢世率是道也 Verdiende danden - 者皆言其學不專以

黨絕之禍實 其君皆聖賢以身所行與士相長取材任官又與相治後世! 教養了無干涉師門徒者踵陋習希辟召者養虛聲賢否相蒙 惟用之諸生而已此知勸學而不知明義之過也況翟酺左雄 帝始終以學為重然獨察無宏裕之益其意謂不遜怒不貲 然如賈董之流尙不知人主當自化而徒欲立學以化人如 為羣萃州處非管仲語若人主不自為學徒改學以敎之 質相冒激成大難皆太學為之至鴻都以詞賦小技施蓋 利者争從之士心益靈而漢亡矣羣飛天下學者使 **百閒好屋使四方遊士自來自去于人主好尚國家** 、主庸騃視為贅疣身外之物其勢固必至此故予 油太學蓋是時諸生三萬餘矣唐虞三代之爲學

過

AU.

五

魏明帝不能從楊阜高堂隆之諫節減宮室而欲傳蘇林寮靜 末世所謂度內者皆愚儒所謂度外者皆羣不逞安得度內而 和拾言古之大贫在通人情所謂不以格物者也又言勉而行 非能解釋義理而言與之合 非恩度外而非不逞者 乙必有痰瘁痰瘁二字深得其要故古人以利和義不以義抑 此常愿所以累德者而去之則德明矣開心所以爲塞者而 不同念心欬起小則為然明之毀大則為東漢之 則心夷矣愼行所以爲尤者而修之則行全矣此作詔者 王據聖書惟聖罔念作狂惟狂克念作聖古人垂語乃至 《枝毛基枝医匠十四 一禁

享國久近在其人之心量廣狹孫權殘民以逞故身死而不振 也 揣時變者負算略語世事者極縱橫而儒生稽古以俗士廢焉 德操所謂俊傑幸有亮在然猶未免于縱橫法正之流勿數可 諸葛亮日臣死之日不使內有餘帛外有羸財以負陛下及卒 司馬榝朵桑樹上坐龐統樹下共語自畫至夜微行懿筐之別 之業課試學者緩其實而急其華漢武帝讓之也 如其所言此所以能服 可馬德操謂儒生俗士豈識時務識時務者在乎俊傑自末世 更當吉蠲以薦明德 為完龐統以詐取劉璋所謂識時務者歟如此俊傑比之古 アララミ ライコー 世也然以上當更有事

專界臣下安于縱逸也然皐陶以為元首叢脞股肱情萬事墮 晉永寧元年自正月至閏月五星互經天當是時天下之亂固 則是君終不當自爲也靖郭君勸齊宜王五官之政日聽數覽 蓋先王舊學天不勝人 权與尚有聞也然自此占驗終勝而 乃有王霸之略足以樂而忘憂貧賤誠不能爲士累也 于君此古今通義也舜以股肱耳目命禹禹復戒舜而終以明 良之歌老其大意似舜盡欲以其職委馬禹戒以亦自聽覽無 古君臣之職君之所得爲必以命于相相之所得爲必以歸 **不當豫占也** 、然左傳叔與旣占齊魯朱事無不驗又言君失問;吉凶由^ 不立故予以爲五星互經天雖變異最大苟人道有以消復 VOLUME AND REALLY THE 

**蒋改中書劉放孫篒傾動中外侍中給事黃門通** 景雕 **澳然離異君所欲為** 應以分外朝之勢及趙禹張湯更進宰相束手自是君相 職 而 無所司而兇于君收五官而自任 書權盆重領 兼失矣始皇程書決事蓋不足論漢高惠事盡出蕭 斬鄧通龍錯尚循古義也孝武初年更用 厭之靖郭君 則何書更是 親 然陳 向轉向 外朝 一錄出宰相上魏初別置祕書仍典尚書所 由是得專齊權夫六卿各自以 平猗謂有主者則是時公卿各自分職 而中 不復以命相相 入中所行可否皆自內決 書門下乃天子之私 已不能久又以與人 切聽其君所爲矣其 職 掌門下最 項文士中 永 相

一分ラ単ラ名王

U

|或云公孤兼行非也冢宰乃有司之長職治其事以佐上者有 皇甫謐能道自分界中言語非繼文華者所能至 六卿天官事最繁而公孤職任甚簡故學者多云冢宰即宰相 倍宰相已增者不可損已成者不可改也 稗晃搢笏明堂耕藉此成周銷兵節次也則銷兵未必非閱其 銷兵本欲休息百姓而學者尢其弛備然左射貍首右射騶虞 晉有正始微言勝會韻士至于江左雕安民之道不足而扶世 李暠言經史道德如采菽中原勤之者則功多此語當記然所 君思治進德何如耳不然後世忘戰者豈少邪 司明其道以弼上者宰相 謂勤者非漁獵搜取課勞計獲而後能也 **个宋元學案卷五十四** 圣

壤此事君臣俱得富貲然亦相隨而亡西漢雖皆李斯餘本 時作一二有所憑藉故享國麤久此後無有知者諸葛亮以 者魯衞傳世數十蓋其為國尚皆有本末更僕选起而維持制 伊尹謂肇修人紀後世雖不足議此然周之諸侯大者秦楚 之志未衰學者未宜略也 無他說以致國祚短促皆其自取 樂自比恐未必能及其餘君臣上 服之具與之並行所以久而猶存不止富貴自身也李斯首破 約敘旅除事約固非知經然近世學者以浴沂舞雩寫知道 節目意料浮想遂為師傳執虚承誤無與進德則其陋有 下自富貴娛樂一 身之外更

學百餘年閒視玄愈下矣 |懷蠹故性明者欲筼嗜繁者氣昏文士中顏延之頗存義理 一欲者性之煩濁氣之蒸蒸雖生必有之而生之德循火合炬桂 中國人不曉相崇尚以為經耳微言妙義與夫鬼神之貫通誠 無問于夷夏然彼可以施之于我而我不得以革之于彼其难 佛書之行于中國者不異然則今釋氏諸書是其國俗之常女 深之不同雅俗之不合孟子所謂未聞變于夷者也 西南夷訶羅陁阿羅單婆達師子天竺迦毗黎所通表文皆 陋非有益于道也然當時貴之預在此學者不為凡流則 入守學後世以性命之學為至貴而其人不足以守 言丈夫當删詩書制禮樂何至因循寄人籬下 Teld in the feet of the feet of the 

必知其所自得以見己之所當得者若隨世見聞轉相師習枝 中國之學自不當變于夷旣變而從之而又以其道貶之顚倒 知識乃是數百年而一 入一家警若區種草木不知天地正性竟復何在然則如韓愈 **鑩葉繞不能自脫錮人之才室人之德者**追 流轉不復自知 要指司馬父子之故意也使佛學已出于漢則太史公亦更增 北分裂學者以周孔與佛並行其言乖異不自知其可笑六家 太狂然人具 王袞戒諸子以儒家道家釋氏雖為教等差/而義歸汲引自南 **旭望謹案此蓋指當時之染于禪而又排之者** 一性性具一源求盡人職必以聖人為師師聖人 · 朱元母素卷五十匹 有豪傑之士何其難也 四四 /

所不可免又非神怪所能豫也 超于神怪必謂亡可為存敗可為成然神怪終坐視成敗存亡 **者惟師之信而心不復求遵明此語殆干載所未發雖然師誤** 信常道而後可蓋人力之所能為決非神怪之所能知而天 而不能加一毫知巧于其閒而亡果能存敗果能成必仁義忠 **高洋敬禮座法和蓋畏冥觸予當論世人合仁義忠信常道而 预可改心誤不可為此旣遵明所不及而以心為陷穽者方滔 有誤故其義理漸差及至後世積眾師之誤以成一** 也非師無心非心無師以左氏考之周衰設學而敎者師已 遵 明指其心謂眞師正在于此古者師無誤師卽心也心卽 / さいまきをさいし 1 17. 家之學學

無益 棄華從我至是自北而南變夷為夏使孔子復出微管之 綽亮地勢不足自立猛無堅凝之功而綽由晉以後南北判離 長統之流皆論治道而無一言之幾然則如綽者亦未易也 旬氣始應或灰飛出三五夜而盡或終一 **士不先定其所存正使採極原本追配雅頌只是馳騁于末流** 付除人矣六條平實無華自董仲舒蕭望之劉向崔寔王符仲 二代既衰佐命之才不世出惟管仲樂毅蕭何諸葛亮王猛蘇 **遜陳時宜五條其言有非俗儒所能道者宇文父子雖大要** 通兵亦其國是所定立論常向上一著改遜輩能言之 / 朱万马茅龙五十四 ン歎

ズ

說愈謬 照則謂之魄後人相承遂謂月無光因日有光月果無光安能 必應灰之必飛陰陽之情天地之理當然也早晚多少差忒而 天地陰陽之密理最患于以空言窺測 志在規諷而未極理事之精被技術者馬能測之叩之愈急其 和陰陽合天地也隋文徒出旁議而不知身為八道之主牛宏 不能盡齊者人道之厚薄時政之寬猛使之也古人所以實干 所區則在而不明數術之士昧理而述源遂至乖異 一言月者謂其形圓其質清日光服之則見其明日光所不 [並明萬物無不因日|而成色惟月星不然近日則光奪為 《國泰漢已言天子氣唐處三代言其德不言其氣有氣而 Water and Adams. 11 to

**卖然肾驗予謂入主自修不至遂以形跡象數之末竟墮術士** 之口若聖人御世彼惡得而識之 隋天文五行志五代事皆具寶誌陶宏景號達者陸法和已下 產者是也 者無不苛則权向所云不為刑辟固非高遠不切之論也世道 救世信矣然自蒸漢以後稍號平時者法無不寬其君之薄德 無德將為不祥以禍天下而何並馬 田居及今皆本隋律隋本于齊子產鑄刑書叔向非之日吾以 乙衰雖緣人材日下然其病根正以做下樣子不敢囘轉如子 |天而成于||誣天學者之陋 | 至于此故隋文雖焚讖而 圖洛出書孔子之前已有此論而其後遂有讖緯之說起 

枝葉也使其是則游枝葉即可以得本根矣 為國不患無材若人主失道自致亡滅材雖多不能救 之默不知文之不可以爲言也 義息矣歐陽公乃通以後世文字為言而以立言為不如有德 |立言非專為文言之支流派別散而為文則言已亡言亡而大 稱祥瑞又甚于識 患者不知道叉不知言與昔日章句無異也 儒林稱南北所治章句或得英華或窮枝葉此甚不然英華 唐高祖隋甥也位遇不卑隋之罪雖足以亡而自高祖父子分 知道然後知言知言則無章句近世雖無章句之陋其所以為 **祖望謹案此說與温公語異而同** 出い

義言之只謂之反今乃美其名曰義兵唐人義之可也後世亦 從而義之可乎范氏謂太宗有濟世之志撥亂之才獨創業不 堯舜三代之統旣絕不得不推漢居然其德固難論而功亦未 **羣盗可以取隋高祖父子不可以取隋尊煬立代君臣再定矣** 隋 高 祖 敢 自 謂 其 德 可 代 隋 乎 隋 得 罪 于 天 下 不 得 罪 于 李 氏 利之而已 正無以示後夫濟世撥亂必不志于利今朝爲匹夫暮爲帝王 易言也渴武不忍桀紂之亂起而滅之狩以不免用兵有慚德 局祖明奪而不慚是叉在魏晉下 亦後世大議論也夫天命不可知必視其德天下雖共起而亡 局祖受禪不受九錫范氏謂其雖不能如三代而優于魏晉此 アダラ母ダ光エーロ

者死益令者死不行令不從令者死令之嚴如此然下令如流 水之源分順民心又都不以為證據若不順民心達從而敬之 李德裕渝韋宏景事尤不近理重令自非管子本說其言虧令 一廷諍以絕其萌至于奪嫡然後言其託體先帝將何及也 長孫無忌豬遂良轉導無法方武氏從感業寺再人不能引禮 人命相乘除而我收其利猶可以為功平今但當論其得志後 宗與羣盜爭攘競殺勝者得之皆為己富貴何管有志于民以 大義一差無所準程萬世之大患也 不至于淫荒暴虐可與為百姓之主刑賞足矣若便說向湯武 謂之功則可矣光武宗室子志復舊物猶是一理漢高祖唐太 可乎制置職業雖日人主之柄非人所得干讒然須制置得是 一个宋元學案卷五十四 果》

忠知者必世而不足姦昏者一 許後人亦以其自許者許之夫宰相者秉德以服人明義以率 宰相世系言唐臣以門族相高案孟子稱故國世臣人材之用 飾進取爲門戶計如漢章平之流此权孫豹所謂世禄非不朽 降在早報憂公室之卑若夫志不必慮國行不必及民但自修 必常與其國其民之命相關治亂與亡所從出故叔向以欒卻 欲以晟月售功其君與一時之人亦皆以晟月貳之所以有謗 若悖于道乖于事而禁人不議豈不危亡德裕以宰相之才自 **业俛而就下遂爲李德裕秖蛟臺閣儀範班行準則而已** 下若态其偏私自作胸臆又可許乎 而無名事不集而弊常在也士誠知此惟不求用為庶幾耳 1-41 111 1411 | 日||而有餘世之賢者||不自量

**請 崇事可增編利悲哉** 道家婚泊主于治人其說以要省勝支離漢初嘗用之雖化中 道以從數執數以害道最當先論 訶陵國治太子與商鞅事同古人勤心苦力為民除患致利遷 数必有次第蓋應家立其所起以象天地之行不得不然大傳 悔蓋本說然也梁武不曉用之當身而失唐憲懿又出其下直 國為夷未至于亡也浮屠本以壞滅為旨行其道必亡雖亡不 以易之分撲象之蓋易亦有起法也大傳本以易象應而 之數五行之物偏滿天下觸之卽應求之卽得而謂其生成之 孔子繫易僻不及数惟大傳稱大衍之數其下文有五行生成 反以為應本于易夫論易及數非孔氏本旨而謂應由易起揠

議論定而利害明要自士大夫之心術始 世更爲霸王雜用之說哀哉 之善而遠其罪所以成民也堯舜文武所為治也苟採一 為入道之害楊雄言學行之上言之次教人又其次亦是與專 與不可離全是于陋儒專門上立見識又隆禮而貶詩書此最 門者校淺深耳古人固無以教人為下者雄習見後世陋儒專 孔子講道無內外學則內外交相明荀子言學數有終義則須 門莫知所以學而徒守其師傳之妄以敎人以爲能勝此而兼 已又何難爲故申商之術命堯禹日桎梏至秦旣已大敗而後 仃者則上矣近世又偏墮太甚謂獨自內出不由外入往往以 一念之功聖賢可招而致不知此心之稂莠未可遽以嘉禾 一、宋元學案卷五十四 哭〉 致而

自名也 我也今偃然日是我也非天山奉天者聖人之事今日我自致 **疆本而節用天不能貧養備而動時天不能病修道而不資天** 名字以自戎耳 **荀卿所言諸子茍操無類之說其是非不足計乃列攻羣辯至** 無以便嬖側媚其惟吉士是則嬖者不吉吉者不嬖也 謂無便嬖左右足信者之謂闇粲穆王命太僕左右侍御僕從 有與仲尼齊聖獨為荀卿所私而他書無見者非妄則姑假立 于子思孟軻幷遭詆斥謬戾甚矣又好言子弓與仲尼並稱安 不能禍夫古人備是三者矣其不貧不病不滿則日是天也非 乙是以人滅天心 一片,它是是我工一口

制之古聖人日則天日順帝之則未嘗敢日吾能官使天地物 畜而制之也 盡心知性心官賤耳目之說蓋辯士索隱之流多論心而孟荀 全其天功則天地官而萬物役又日大天而思之孰與物畜而 神蓋與秦皇自稱日朕意同 孟子言民為貴社稷次之君為輕而荀卿謂天子如天帝如大 六經也至于丙外不得異稱者于道其庶幾矣子思之流始以 **履者養也芻豢五味以養口等語則禮者欲而已矣** 古之聖賢無獨指心者舜言人心道心不止于治心孟子始有 子未嘗以辭明道內之所安則為仁外之所明則爲學學卽 ラジテ国で多名ヨーロ

人人不免為兵不復任養兵之責則聖人固所不為若以天下 散可復完薄可復淳矣不然断港絕演爭于波靡于道何有哉 至此散薄無復淳完或者反謂其才高力疆易于有行學者有 起稷下所言皆欲挫辯士之鋒怒目裂皆極口切齒先王大道 必事子思作其徒所共言也孟子不止于僻而辯勝矣荀卿本 解明道僻之所之道亦之馬非其僻也則道不可以明中庸未 之名雖至百萬無不用募且井田邛爽所以入入爲兵者天子 兵度已分法久而壞齊民雲布孰可徵發以長動之意求願從 不過于里諸侯不過百里其勢無獨免也若以天下奉一君而 知解辯之未足以盡道而能推見孔氏之學以上接賢聖之統 君而養兵至于百萬獨任其黃而不能供則庸人知其不 圣台

崔蠡疏論國忌日設僧癬百官行香事無經據部以近代皈依 竭天下以養兵此受病本根所以末世之橫斂有加不 宿衛已有諸御前兵不可輕改因其地分募樂耕者以漸歸 釋老有異皇王之術習俗因循並宜停罷此開成四年也唐世 可今自守其州縣者兵須地著給田力耕設 忘實用矣 正節而不辨義下者爲利高者爲名而世道愈降矣 文不為知禮者所許然如此等事猶能釐正不若後世定 邊關捍禦盡須耕作人自為戰足 為臣子恭順報效之節無踰于此也 ノララブ オララニ 三說參用由募還農 千里之內番 Ė 本

家無識妄立論 古全不究始末 授田之制蕩盡奈何猾用授田時法稅之後世謂楊炎兩稅髮 孔父仇牧死晏婴不死以恕楊雄則非矣 桑宏羊與劉晏無異所可恕者晏以用兵故與利不得已耳史 者楊雄為孔氏之學將經緯大道奈何俛首效之 以位當卦以卦當日出于漢人若夫節候晷刻推其五行所寄 而吉凶禍福死生至玄而益詳蓋農工小人所教以避就趋舍 丁翼非孔子一人之背司馬遷不能辨而劉向父子與雄尤篤 八皆由賦入楊雄方知以上 |更有事故謂孔氏之門用賦則

當是春秋末年山林處士妄意窺測借以自名而後世信之為 管子非 君子避礙則通諸理不知何所指人有礙而我通之未常自嚴 申韓之先驅鞅斯之初覺 雄所謂遐言為太玄發也以言為學孔子沒後事 而又自通也 秦漢時孔孟之論未行學士以管子之書爲教視六經無有也 **丁道有功** (盆升堂司馬相如入室如其不用何乃雄囘轉關級處所以) 祖望謹粲董仲舒劉问亦不由賦入 一人之筆亦非一 **超錯殺死是書不極其用** 《朱元學紫卷五十四 時之背以其言毛始西施吳王推之 奎业

**畱合罪死之論處士無故創奇語發人遂倚爲口實** 命誥四方皆非異莫行叉日其身正不令而行其身不正雖令 其國以自與以為命令特為我發向操制之術先爲始于欲量 **也爲有未能生之而已殺之者乎敷術家闍于先王之大義私** 古人之于命令也先甲三日後甲三日先庚三日後庚三日夫 君而甚至無所不用孔子贊易與日君子申命行事姤日后施 不從又日如其善而真之違也不亦善乎如不善而莫之違也 乙不可 也理必有行而行之先之以開其所知後之以熟其所 个幾乎一目而喪邦乎是數術家以令爲令而孔子以不令爲 中重諄悉終于無不知斯行矣命令之設所以爲民非爲君 |之所欲未必是逆而行之不可也民之所欲未必是順而行 1220年代的日十四

也不以易論語之言出合而皆欲以管子之言出令是刑名常 令也數佈家以言而不進為與國而孔子以言而不違為亡國 堂上遠于百里堂下遠于千里君門遠于萬里然矣古之聖賢 所以昭明大德盪滌疑阻周官 **禾嘗及赦漢以後爲此等見識不爲無助 欧述與帝王之道離絕劉備謂周旋陳元方鄭康成閒言治道 陶朱公子之類或者君臣之閒售私以長惡邪當雨作解君子** 級過宥罪而魯肆大貴無貶詞此有國舊典也處士發語偏 法者毋赦民之父母當時論不可赦如此豈如司馬遷所記 《者奔馬之委轡毋敕者座睢之藥石叉日惠者多赦民之仇 主而申商之禍無時可息也 一書通達壅塞之理居牛凡欲

失其事心術者無爲而制験者也案孟子稱耳目之官心之官 職與視聽同謂之聖者以其經緯乎道德仁義之理流通于事 之言心也其為心之害大矣洪範思日緣脊作聖各守身之 心有欲者物過而目不見聲至而耳不聞也故日上離其道下 耳目者視聽之官也心而無與乎視聽之事則官得守其分夫 此書後 去此思也如數術家猜慮積心念忮形色左右前後無非蔽欺 子論之已詳然則執心旣甚形質塊然視聽廢而不行蓋辯士 國語又削除其雜稪以就簡知此書之出在左氏後國語成在 所以為管子者在三 医二卷雜亂重複敘事頗與左 氏不異而 **鉤鉅設而告密用基情惴惴所以來讒賊而長作僞** THE PERSON NAMED IN CO.

為管氏書者變詐百出不窮其盛在于鹽鐵其用著于蜜龜蓋 **稽**遂成戰國亡秦之禍 泄廢居豪奪商賈至于決瓊洛之水沐路旁之樹傾魯梁之綈 利身便形口養壽命垂拱而天下治而堯及黃帝皆然淺鄙無 法為道要始于管子其說以為佚樂馳騁宮中之歡無所禁圉 惟我在之風矣然侯伯救災討罪所引文王之詩正合醴體亦 恍狂通妄解自矜鬼神也哉 桓公封杞邢事管子之語不如左氏所言子嘗謂左氏中管仲 未可遽引湯武賣之个辭士之詞叉降左氏數十等使人君任 語已降古人數十等蓋不復見葛伯仇餉朕哉自亳有罪無罪 物變化之用螞婦淪浹卷舒不窮而已惡有守獨失類超忽惝 書沙

**痩荆楚之鹿戲詞誤論今不舉者釈矣獨鹽鐵為後人所遵言** 言得用于吳者其徒夸大之說也 卑管仲责其大者可必使其果猥琐為市人不為之術孔子亦 其利者無不剋管仲使之紫垢萬世案其書計食鹽之人月為 而齊卒以此亡然則豈管仲所行而齊所以獨乎孔子以小器 略不甚遠雖今之黃鹽不至若是左氏晏子言魚鹽屋蛤弗加 丁海海之鹽屋所堅守之是時衰微苛飲始有禁榷晏子憂之 與管子六韜越語相出入春秋末戰國初山林處士所為其 |氏無孫武同時伍員宰都| 、眼黃矣故管子之尤謬者無甚于輕重諸篇 一詮次乃獨不及武邪詳味孫

楊雄不喜孫吳而日不有司馬法乎不知所指何司馬也 常經其流及上而為國者顯聽命爲量小故邪 定法以教天下天下無道匹夫賤人以意言兵行陳部伍無復 所謂知兵者何用此天下有道征伐自上出而行陳都伍皆有 孫子不學所知者說而已、 威不軌而昭文德山今龍道二字于兵外立義遂為干古不刊 穩直孫武皆辯士妄相標指無事實穩直斬龍臣孫武委愛姬 孫子盡用兵之害而于守與不戰持之最堅學者未之詳 兵詭道也朵子罕言天生五材民並用之誰能去兵兵者所以 說古人之言兵者盡廢矣禹湯文武之兵正道也非詭道也 祖望謹案此可以見水心非浪用兵者也 《朱元學朱卷五十四

吳起較孫子卻近 固當後于孫子其勵軍所言叉本于吳起然莊周亦稱九徵則 **抑別有指心穰苴事子固言其非夫非知德者不足以知兵遷** 龍韜以後四十三篇似為孫子義疏其書言避殿乃戰國後事 可馬遷謂司馬兵法閔廓深遠雖|||代征伐未能竟卽此法邪 可馬法多不成語夏賞而不罰般罰而不賞尤不成語 八角陰論狹陋 **辽為太公所言堂足據哉** 所云関廓深遠纔如此悲夫 **祖望謹案水心又日未知李靖何以謂吳不如孫 軍禮同邦國大師之禮用双也大均之禮恤双也** ""比较是然近十四 F

賞其先得者視尉繚此前何其狹也 尉繚子不攻無過之城不敬無罪之人而孫子得車十乘以上 大田之禮簡眾也大役之禮任眾也大封之禮合眾也所貴王 朝而畢鞭七人貫三人耳蕎賈以為剛而無禮不可以治民其 得古人之意晉侯登有莘之墟以觀師日少長有禮其可用也 李靖謂陳法必黃帝所制太公籍之管仲復修之諸葛亮八陳 香將之本威者將之末恩者威之餘也 **爬者謂能有所別異而軍禮獨言同三略所云將禮不可謂** 有能弔死哀喪同士卒甘苦則又以爲恩而不復言禮矣夫禮 **小知當時所言禮指何事後世不言禮而言威故子玉治兵終 祖望蓮案以恩為威之餘尙未圓然大意甚佳** スランスコー

其國不勞其兵不困雖敗而可戰夬敎者豈八陳六花之謂特 別畫陳法無休時可歎矣 秘文前人未當學周官自不足怪个之學者已學周官乃相與 即戰陳當時上自王公下至卒伍皆知之楚之乘廣晉之毀車 即握奇法此皆山林隱約夸望相承周官司馬蒐苗獨狩其陳 **亚列諸書向前多少聰明豪傑之士向渠齊賽蹇淹歌可憐可** 其色別耳撫循安集上下相應使皆曉然旅泊不悲死亡不痛 雖臨時或亂常制終不能變大法乃後世以為奇術握奇遂為 酒在其家室也然則孫子之術李靖與太宗所講正亮所棄也 「駁國以來能教其人而用之惟諸葛亮非驅市人之比所以 / さんこうない まんだっしょ 口書 

論也 後世存其體可也韓愈便謂古人未肯多讓或者不知量乎 一 物不使散流此聖賢經世之業非習文辭者所能知也詩旣亡 能該物非知物者不能至道道雖廣大理備事足而終歸之干 卓特見識此為大病至于房魏禮樂或信或疑要是淺者未足 文中子說經史前代儒者所未有理雖不背點而模揚形似 克非禮害之此 克己治己也成己也立己也己克而仁至言己之重也己不能 古詩作者無不以一物立義物之所在道則在爲非知道者不 案一係移入范呂 請備一條移入華陽學案一條移入呂梓村蓮案以下有五條移入泰山學案一條移入伊川學 ラメラスタスコーリ

宗者貴而賢者也富而義者也非是二者而擁虛器以臨之教 自遠不肖者挾長以行私蓋闕鬩之不暇而安能善其俗哉夫 之故畏者不傲幼者不侮而和親雍睦之教可行後世崛起自 依倚特為宗主無犯義無干刑相趨于實而不惟其名之徇此 必親而疏者可畀也田不必子而貧者可共也施舍賙惠族 致食晚富貴各極其欲榮悴異門交相為病于是賢者謝宗以 古者賦殿制田其權在上貧賤富貴無大踰越而爲之華以難 **今日立宗之要也** 令之所不行也故<u>貴</u>而賢富而義則上禮異之命為其宗**的** 梓材證案以下 花諸儒 條 一方には一見なること 係移入蜀學略 9 

深思也以上谢山補 趣向亦終不能 使知義理者常為主司學者不得以悖理之文希合于 思失而卒與庸眾同歸于温飽者無異嗚呼此有志者之所當 因今之時交不改亦自足以得士不然雖累變其法而學者之 **同軌邪正並轍苟免其身而復以其弊遺後人則雖不思得不** 王曾中第以為平生之志不在温飽歐陽修執政以爲惟不求 子此論太高自天下治體大變雖君子無策以振起之賢愚 得與旣得而不愚失然子病其侵尋于官職矣而東萊呂氏 梓材謹案以下七 旭 謹案論果士 ·紫一條移入東來學案一條 條移入廬陵學案四條移入

ノガラミオネュ

Į

時雖

移入明道

百源學案

過业舍孔子而宗孟子則于本統雕矣其意欲廢後儒之浮 論所言不無過高以言乎疵則有之若云其概無所聞則亦 **堕于浮論矣** 後矣曾子不在四科之目曰參也魯以孟子能嗣孔子未為 象夫子親筆业十翼則訛矣詩書義理所聚也中庸大學則 講前世帝王之典籍賴以存開物成務之倫紀賴以著易象 水心為文士以余論之水心異識超廣不假梯級謂泳泗所 占氏同所自出至其根柢六經折衷諸子几所論並無一 宗羲秦黃溍言葉正則推鄭景笔周恭叔以達于程氏若與 于吕氏其傳之久且不廢者直文而已學固勿與忘蓋近 百家謹案習學記言存于今者序目而已內說經共 Cara and the has alded and the

宋元學案卷五十四終 大為雲書有 然新濠也全 如奇蓮 秋一卷左氏傳二卷國語一卷孟子一 卷易四卷書一卷詩一卷周禮儀禮合一 黎洲及謝紫東所蹈襲 7.朱元學案卷五十四 文學之案 鑑案者此 型原竹條 卷台為五十卷名習學記言序目非別集又案是書几經十四卷諸子七卷史完書馬那二老閣與鄭南溪稱後二線自朱氏經義考蓋係學案原本而什得見矣是書前有山陰孫之宏序葉氏 書 山其 五所錄义何當不納之文刻 削精工而業 一卷若記言原本不 卷禮記 正未五 一卷春 明抵 正務